



ЗАМАН



Газета издаётся на балкарском языке с 1924 года

Интернет-версия: zamankbr.ru

КЪАБАРТЫ-МАЛКЪАР РЕСПУБЛИКАНЫ
ПАРЛАМЕНТИНИ ЭМ ПРАВИТЕЛЬСТВОСУНУ ГАЗЕТИ

ВРЕМЯ

ГАЗЕТА ПАРЛАМЕНТА И ПРАВИТЕЛЬСТВА
КАБАРДИНО-БАЛКАРСКОЙ РЕСПУБЛИКИ

Тюбешу



«Сиз тамамлаган жумуш шёндюгю тынгысыз болумда артыкъда магъаналыды»

Тюнене КъМР-ни Башчысы Юрий Коков Правительствону Юйюнде Нальчикде быйыл 6-9 октябрьде болган «Элбрусну башында тепсеуле» V Халкъла аралы фольклор фестивалыны къураганла эмда анга къатышханла бла тюбешгенди.

Россейни чыгъармачы коллективлери бла бирге Къабарты-Малкъарга Италияны, Индияны, Белоруссияны, Бангладеш Республиканы, Гананы, Тюркню келечилери келгенди. Халкълары араларында маданият байламлыкълары магъаналыкъларыны юсюнден айта, КъМР-ни Башчысы былай чертгенди: «Сиз

тамамлаган жумуш шёндюгю болумда, тынчлыксыз, къауғалы заманлада артыкъда керекди. Ала тюрлю-тюрлю миллетлери, динлери да болган адамлары бирикдиргенлери бла бютюн багъалыдыла».

Фольклор коллективлени башчылары Къабарты-Малкъарда фестивалыны бийик даражада

къуралганын чертгенди, аны кеслерини къырралларында, дуняны башха чыгъармачылык майданларында да бардырырга кереклисин айтхандыла. Тюбешу бир бирге сауғала берю, суратха тышоуу бла башалганды.

«Элбрусну башында тепсеуле» деген фестивалыны бардырыу ЮНЕСКО-ну фольклор фестивалыны халкъла аралы календарына киргенди.

КъМР-ни Башчысыны бла Правительствосуна пресс-службасы.

КъМР-ни БАШЧЫСЫ

Юрий Коков РФ-ни Президентини Къабарты-Малкъарда приёмныйнде бир къаууум адамны жарсыуларына тынгылагъаны

КъМР-ни Башчысы Юрий Коков РФ-ни Президентини Къабарты-Малкъарда Приёмныйнде гражданланы бир къауууму тилеклерине бла тарыгъуларына тынгылагъанды.

Ол кюн анга Нальчик, Бахсан шахарлада, Лескен районда къыйын жашау болумга тышген бир къаууум адам келген эди. Чегем районну жеринде эл мулк производствону къурауу юсюнден да сёз барганды.

Битеу айтылган кемчиликле,

тилекле эмда тарыгъуула бла байламлы жумушланы бир ыйыкъны ичинде тамамларга буйрукъ берилгенди.

Приёмга КъМР-де баш федерал инспектор Владимир Канунников да къатышханды.

Жылны башындан бери республиканы оноучусуна кеслерини жарсыулары бла битеу да 202 адам келгенди.

КъМР-ни Башчысыны бла Правительствосуна пресс-службасы.

Кёрмюч

Санкт-Петербургда бизни турист эмда санаторий-курорт онгларыбызны кёргенди

Санкт-Петербургну бла Къабарты-Малкъарны араларында Нальчикде 18 сентябрьде къол салынган келишимни чеклеринде бизни республика кыралыбызны север ара шахарыбызда INWETEX-CIS Travel Market халкъла аралы туризм кёрмючге къатышханды.

Аны экспозициясы Къабарты-Малкъарда туризмни айныу онглары бла, ол санда санаторийледе бакъдырыу амалла бла, шагърей этеди. Элбрус эм федерал магъаналы Нальчик курортла толусунлай кёргюзтюлюпдюле.

Бизге КъМР-ни Курортла эмда туризм министрствосундан билдиргенлерине кёре, ол кюн окъуна бу ведомствону башчыларыны Смольныйде Санкт-Петербургну власть органларыны келечилери, туризм бла байламлы бизнес бла керешгенле бла тюбешуилери болганды.

Эсигизге салайыкъ: INWETEX-CIS Travel Market

«Россейни Север-Запад кесетинде туризм бла байламлы жумушланы бек улуу кёрмючдю. Ол 28 къыралдан 250-ден артыкъ компанияны, Север-Запад регионну, Россейни, узакъ эмда жуукъ тыш къыралланы туризм бла байламлы бёлмлеринден алты мингден аслам профессионалны бирикдиреди.

Кеси да Россейни турундустрясыны беш баш магъаналы жумушларындан бирине саналады. Тёреде болганыча, Петербургда турист форумуна, «Курорты», «МИСЕ-индустрия» эмда «Медицина туризм» дегенча энчи кёрмючле къуарга белгиледи.

ЮСЮПЛАНЫ Галина.

Гапа-концерт



Дуня тепсеулену жарыкъ байрамын энтта ашыгъын сакъларыкъдыла

Беш кюнню ичинде Къабарты-Малкъарда «Элбрусну башында тепсеуле» деген төрели халкъла аралы фольклор фестивал бардырылып турганды. Ол жангыз тепсеу бла чекленип къалмаганды: миллет кийимлени ингири, чыгъармачылык тюбешуле да болгандыла, байламлыкъла тохташдырылгандыла. Къонакъла эм ариу жерлерибизни – Минги тауна, Чирик кёллени, Чегем чучхурланы кёргенди.

Алай бла Бангладешден, Италиядан, Индиядан, Тюркден, ЮАР-дан, Гана Республикадан, Белоруссиядан бла Къабарты-Малкъардан чыгъармачылык къауумла, республиканы районларында бола, адамлага кеслерини миллет тепсеулерин, маданиятларын кёрюзте, кёллени кёллерине жетгенди. Тюнене уа Музыкалы театрда жарыкъ тепсеу байрамны къууанчы халда жабылуу болганды.

Ахыры 2-чи бетдеди.

Жазылыу - 2016

Газета издаётся на балкарском языке с 1924 года.
Интернет-версия: zamankbr.ru



Хурметли жамауат!

2016 жылны биринчи жарымына ана тилибизде чыкъган газетге жазылыу андан ары бардырылады.

Жазылыуу алты айга багъасы тюрленмегенди - 839 сом 88 капек. Почтадан кесигиз барып алсагыз «Заманны» - 758 сом 76 капек.

Бу магъаналы жумушну болжалга салмагыз. Келир жыл да сизни бла сау-эсен тюбеширбиз деп бек ышанабыз.

Бизни индексибиз - 51532

Г.И.Гориславскаяға «Қабарты-Малкяр Республиканы сыйлы юристи» деген махтаулу ат атауну юсюнден

Қабарты-Малкяр Республиканы Башчысыны УКАЗЫ

Көп жылланы ахшы ишлегени, гражданданы эркинликлерин эмда законлу сейирлерин жалчытуғға улуу кыйын салғаны ючюн **Гориславская Галина Ивановнаға** - Қабарты-Малкяр Республиканы Баш Юсюндо судьясына - «Қабарты-Малкяр Республиканы сыйлы юристи» деген махтаулу ат атарға.

Қабарты-Малкяр Республиканы Башчысы **Ю. КОКОВ**
Нальчик шахар, 2015 жыл 7 октябрь, №146-УГ

«Қабарты-Малкяр Республиканы билим бериуюно сыйлы кзулукчусу» деген махтаулу ат атауну юсюнден

Қабарты-Малкяр Республиканы Башчысыны УКАЗЫ

Көп жылланы ахшы ишлегенлери, профессионал техника билим бериуюно айнытуғға кыйын салғандары ючюн «Қабарты-Малкяр Республиканы билим бериуюно сыйлы кзулукчусу» деген махтаулу ат атарға:

Головкин Николай Ивановичге - Қабарты-Малкяр Республиканы Билим бериу, илму эмда жаш телюно ишлери жаны бла министерствосуну орта профессионал билим берген «Прохладнадагы технология колледж» кзырал казна билим бериу учреждениясыны директоруна.

Ханов Ахмедхан Шагировичге - Қабарты-Малкяр Республиканы Билим бериу, илму эмда жаш телюно ишлери жаны бла министерствосуну орта профессионал билим берген «Б.Х.Хамдохов атлы Қабарты-Малкяр агропромышленный колледж» кзырал казна билим бериу учреждениясыны тамата юйретуюно.

Қабарты-Малкяр Республиканы Башчысы **Ю. КОКОВ**
Нальчик шахар, 2015 жыл 7 октябрь, №147-УГ

Қабарты-Малкяр Республиканы кзырал саугьалары бла саугьалауну юсюнден Қабарты-Малкяр Республиканы Башчысыны УКАЗЫ

Көп жылланы ахшы ишлегенлери, илму-педагогика жаны бла жетишимле болдурғанлары ючюн махтаулу атла атарға:

«Қабарты-Малкяр Республиканы илмусуну сыйлы кзулукчусу»

Керефова Ира Хазизовнаға - бийик профессионал билим берген «В.М.Коков атлы Қабарты-Малкяр кзырал аграрный университет» федерал кзырал бюджет билим бериу учрежденияны бийик математика кафедрасыны доцентине.

«Қабарты-Малкяр Республиканы билим бериуюно сыйлы кзулукчусу»

Боготов Хамиди Лябидовичге - бийик профессионал билим берген «В.М.Коков атлы Қабарты-Малкяр кзырал аграрный университет» федерал кзырал бюджет билим бериу учрежденияны коммерция кафедрасыны таматасына.

Карданова Мая Мухамедовнаға - бийик профессионал билим берген «Х.М.Бербеков атлы Қабарты-Малкяр кзырал университет» федерал кзырал бюджет билим бериу учрежденияны тарых кафедрасыны доцентине.

Сотталаны Хайруллахны жашы Магомметге - бийик профессионал билим берген «В.М.Коков атлы Қабарты-Малкяр кзырал аграрный университет» федерал кзырал бюджет билим бериу учрежденияны ветеринар-санитар экспертизаны кафедрасыны илму консультантына.

Қабарты-Малкяр Республиканы Башчысы **Ю. КОКОВ**
Нальчик шахар, 2015 жыл 7 октябрь, №148-УГ

Қабарты-Малкяр Республиканы кзырал саугьалары бла саугьалауну юсюнден Қабарты-Малкяр Республиканы Башчысыны УКАЗЫ

Қабарты-Малкяр Республиканы билим бериу системасында көп жылланы ахшы ишлегенлери, ёсюп келген телюно юйретуге эмда окутуғға улуу кыйын салғандары ючюн махтаулу атла атарға:

«Қабарты-Малкяр Республиканы билим бериуюно сыйлы кзулукчусу»

Альборов Аслан Сулимановичге - Урван муниципал району Эски Черек элинде «Битеуло орта билим берген 1 номерли школ» битеуло билим берген муниципал казна учрежденияны директоруна.

«Қабарты-Малкяр Республиканы сыйлы устазы»
Абдурахманова Антонина Хашимовнаға - Черек муниципал району «Кышхатау шахар поселенияда Чеченланы Ш.Ш. атлы орта битеуло билим берген школ» битеуло билим берген муниципал казна учреждениясыны башланган классларыны устазына.

Медведева Руэзия Сафоновнаға - Зольск муниципал району «Сведловское эли орта битеуло билим берген школу» битеуло билим берген муниципал казна учреждениясыны орус тилден бла литературадан устазына.

Қабарты-Малкяр Республиканы Башчысы **Ю. КОКОВ**
Нальчик шахар, 2015 жыл 7 октябрь, №149-УГ

Газаланы Алийни жашы Мухтарны юсюнден Қабарты-Малкяр Республиканы Башчысыны УКАЗЫ

1. Қабарты-Малкяр Республиканы Конституциясыны 81 статьясыны «б» пунктна тиийшликде **Газаланы Алийни жашы Мухтарны** Қабарты-Малкяр Республиканы табиғьат байлыкьла эмда экология министрине кзулугуундан эркин этерге.

2. Бу Указ анга кьол салынган кюнден башлап кючюне киреди.

Қабарты-Малкяр Республиканы Башчысы **Ю. КОКОВ**
Нальчик шахар, 2015 жыл 8 октябрь, №152-УГ

Қабарты-Малкяр Республиканы табиғьат байлыкьла эмда экология министрине кзулугуун толтурлукьну юсюнден Қабарты-Малкяр Республиканы Башчысыны УКАЗЫ

1. Қабарты-Малкяр Республиканы табиғьат байлыкьла эмда экология министрине кзулугуун толтурууну борчун **Табухов Аслангери Ордасуковични** - Қабарты-Малкяр Республиканы табиғьат байлыкьла эмда экология министрине орунбасарыны, Қабарты-Малкяр Республиканы Табиғьат байлыкьла эмда экология министрствосуну жаныуарланы эмда ала турған жерлени сакьлау, алағба федерал надзор этиу эмда аланы аялу хайырланы жаны бла департаментини башчысыны боюнча салырга.

2. Бу Указ анга кьол салынган кюнден башлап кючюне киреди.

Қабарты-Малкяр Республиканы Башчысы **Ю. КОКОВ**
Нальчик шахар, 2015 жыл 9 октябрь, №153-УГ

Дуния тепсеулени жарыкь байрамын энтта ашыгьып сакьларыкьдыла

Ахыры. Аллы 1-чи бетдеди.
Концерт «Балкария» ансамблин тепсеуонден башланганды. Арта жыйылганланы КМР-ни культура министрине Мухадин Кумахов алгьышлагьанды. «Жарсыуға, кьонакьларыбыз бла айырылырга заман жетгенди. Сиз Қабарты-Малкярда жашағанлағға

усталыгьыгьыз, фахмулугьуз бла улуу кьуанч бергенсиз, аны ючюн жюрек ыразылыгьымы билдириге сюеме. Барыбыз да бу жарыкь, ариу кюлени унутмазыбызға, «Элбрус башында тепсеуле» энтта көп шүёхла жыярына ышанама», - дегенди ол.

ЮНЕСКО-да россейли

миллет секцияны аудитор, Россейни культурасыны сыйлы ишчиси Юрий Гурьянов да мында көргени көп ахшы сезим туудурғаньн билдиргенди: «Бек алға, мен Қабарты-Малкярны Башчысы Юрий Коковха, Правительствосуна биллал кыйын халкьла аралы политика болумлада биллал даражалы фестивалыны ётдюорюге себеплик этгенлери ючюн ыразылыгьымы билдириге сюеме. Культура министрствоғға, районланы келечилерине, жамаутха бизге алай иги тюбегени, кьонакьбайлыгьы ючюн жюрекенд ыспас этеме», - деп белгилегенди ол.

Кеслерине алгьышлау сёзлерин «Русский Север» ансамблин художестволу башчысы Евгений Максимов, Этноспортдан битеудния обществону президенти Алексей Кыласов, ЮНЕСКО-да Тюркню келечиси Али Улу да айтхандыла. Ала табиғьатыбызны ариулугьуна, адамларыбызны халаллыкьларына тюшоннгенлерин, бери энтта да суйюп кьайтырыкьларын чертгендиле.

Чыгьармачылыкь кьауумланы хар бирине фестивалыны дипломлары берилгенден сора концерт башланганды. Кьонакьла айырмалы тепсеулерин энтта бир көре көргюзтендиле, кьарачула уа аланы ашыгьып сакьларыкьларын кьызыу кьарсла бла билдиргендиле.

КУЛЬЧАЛАНЫ
Зульфия.



ТАПЛАНДЫРЫУ

Шахаргъа айбатлык берликдиле



Нальчикде Къабарты орамны адамла жаяу жюрирча кесегинде тапландырыу ишле барадыла. Шахарны администрациясыны оюуна кере, алайда жангы терекчикле орнатыллыкдыла.

Специалистле билдиргенлерича, бюгонлюкде ол эм тийишли амалды. Алайда ёсген битимле къарт да, аны бла бирге уа аруулу да болгандыла. Ала кеслери да бир тюрлю туйюлдюле, жарты-къурту ёседиле. Эндигиле уа схемагъа кере орнатыллыкдыла, кеслери да бирчала боллукъдула. Аланы саны алгынандан эки кереге кёбейрикти.



Белгилеу

Конкурсла эмда презентацияла

Къабарты-Малкъарны Билим бериу, илму эм жаш тёлнюно ишлери жаны бла министерствосу орта профессионал билим бериге республикада - 50, Россейде уа 75 жыл толганына хазырланыу ишлени бардырады.

Юбилейни белгилеуню чеклеринде усталыкылагъа юйретген окъуу учреждениялары жетишимлерин баямлар, жаш тёлнюно биздеги колледждеде специальностьлагъа сейирлерин къозгъар, аланы педагогларыны чыгъармачы хунерлерин ачыкълар, иги окъугъанлары белгилер муратда 20-30 октябрьде тюрлю-тюрлю конкурсла

эмда башха жумушла бардырыллыкдыла.

Ол он кюнню ичинде орта профессионал билим берген учрежденияда «Ачык эшиклени» кюнюн, «Мени ишчи усталыгъым» деген темагъа сочинение бла эссе жазыуу республикалы конкурсу, окъуу юйлени презентацияларын, СПО-ну системасыны ветеранлары бла тубешиуленни бардырыгъа белгилениди. Декада «Профессионал билим бериуню системасы: тюнене, бюгон, тамбла» деген концерт бла башаллыкды.

ДОКУМЕНТЛИ ФИЛЬМЛЕ

Юйретиу, ангылатыу кыйматы уллуду

«Россия 2» федерал каналда сейирлик документли фильмле кёргозюлдедиле. Октябрыни ал кюнлеринде «Россия без террора. Завербованные смертью» деген биринчи беруу эфирге чыкъланды. Фильм эм алгъа жаш тёлюгеде. Ол россейилени тыш кыраллагъа барып, террористлени санына къошулгъанларыны юсондөнди.

Дагъыда төрт фильм: «Россия без террора – Татарстан. Испытание на прочность», «Дагестан. Война и мир», «Мусульманские святыни», «Чечня. Возрождение» октябрь айны 14-чю, 20-

чы, 21-чи эм 27-чи кюнлеринде кёргозюллюкдюле.

Аланы хазырлагъанла билдиргенге кере, документли фильмлени юйретиу, ангылатыу магъаналары барды. Кеслери да керти да жашауда болгъан адамларыны къадарларыны, ала бла байламлы шартларыны мурдорларында кюралгъандыла.

Фильмле террористлени ала жамауатха келтирген хатаны ачыкъландыла. Социальный мамырлыкны бла биригиулюкно, конфессияла бла миллетле аралы шухлукъну,

байламлыкъланы магъаналыкъларын чертедиле. Андан сора да, Россейни халкъларыны культураларыны тюрлю-тюрлюлюклерин, ёмюрлюк адетлени бла төрелени ачыкъландыла, бизни кыралыбызны тийресинде болгъан ариу жерлеге адамлары сейирлерин къозгъайдыла.

Фильмлени беш бёлюмюндө Терроризмге къажай миллет комитетни заказына кере «Мастерская» телекомпания хазырлагъанды.

Бизни корр.



Бата баргъан кюн, тауланы башларын Къызгъыл эте, алтын суу ичиргенде, Къаяланы тынгылагъан ташлары, Кече къалкъый, сакъларла кюнжылыуу Акъ тюелеча солугъан тау башла.

Финансла

Кредитлени процент ставкалары кем болгъанды

Сбербанкны Къабарты-Малкъарда бёлюмюнден билдиргенлерине кере, бу айдан башлап хайырланыучулагъа бериллик кредитлени ставкалары 0,5-2 процентге азайдыла. Алай бла энди поручительство бла бериллик ахчаны ставкасы 16,5 процентден башланады. Ансыз неда башха кредитлени жабаргъа деп бериллики уа 17,5 процентден. Къалай-алай болса да,

аны ёлчеми хар кимге да аны къолайлыгъына эмда башха онгларына кере төргеледи.

Энчи мюлккери болгъанла бла байламлы программада да бардыла тюрлениуле. Мында кредитни ставкасы 22,5 процент болады. Финанс учрежденияда ышандыргъанларына кере, ахча берилгени ючюн бир тюрлю комиссия телеуле кыйылмайдыла.

Оноу

Низамны игилендирир ючюн

1 октябрыден башлап Нальчикде Толстой эм Ахохов атлы орамлада машиналагъа жалаанда бир жанына барыгъа эркин этиледиде, деп билдиргендиле бизге УГИБДД-ны пресс-службасындан. Пассажир транспортха уа энчи жол бёлюнгенди.

Бу жангычылык Нальчикде

низамны игилендирир, жолда жюриуно жорукъларына бузукълукъланы азайтыр мурат бла кийирилгенди. Ал кезиуде ГИБДД-ны патруль-пост службасыны бёлюмлери белгиленген жолланы тийрелеринде туруп, ангылатыу ишни бардырлыкдыла.

Учредитель: Къабарты-Малкъар Республиканы Парламенти бла Правительствоу

Баш редактор
АТТАЛАНЫ Жамал

РЕДКОЛЛЕГИЯ:

ЖАНГОРАЗЛАНЫ НАЖАБАТ
(баш редактору орунбасары)
ТЕКУЛАНЫ Хауа
(баш редактору орунбасары)
ТОКЪЛУЛАНЫ Борис
(жууаплы секретарь)
ТИКАЛАНЫ Фатима

ТЕЛЕФОНЛА:

Редактору приёмный - 42-63-01. Баш редактору орунбасарлары - 42-38-21, 40-04-82. Жууаплы секретарь - 42-66-85. Секретариат - 40-93-62. Корректорла - 42-63-52.

Газет Басманы эм асламлы информацияны эркиндиклерин къоруулау жаны бла Къабарты-Малкъар регион инспекцияда 1994 жылда 14-чю июнда регистрация этилгенди.

Регистрация номер —Н—0066. Индекс - 51532

Газетни басмагъа КъМР-ни Басма эмда асламлы коммуникацияла жаны бла кырал комитетини компьютер службасы хазыр этгенди.

Газет «Тетраграф» ООО-ну типографиясында басмаланганды. Нальчик шахар, Ленин атлы проспект, 33

Номерге графикте кере 19.00 сагъатда къол салынады. 20.00 сагъатда къол салынганды.

ГАЗЕТНИ НОМЕРНИ ЧЫГЪАРГЪАНЛА:

Мокъланы Зукура - дежурный редактор;
Кетенчиланы Зульфия - жууаплы секретарыны орунбасары;
Гезяланы Валентина - (1, 2, 3, 4, 5, 6-чы бетле), Бийчексуланы Жаннета - (7, 8, 9, 10, 11, 12-чи бетле) - корректорла.

Тиражы 2100 экз. Заказ № 1693
Багъасы 15 сомду

РЕДАКЦИЯНЫ ЭМ ИЗДАТЕЛЬНИ АДРЕСИ:



360000, Нальчик шахар,
Ленин атлы проспект, 5

электронный почтасы:
elbor_50@mail.ru